

之劑投不再服而愈西臺掾蕭君瑞二月中病傷寒發熱醫以白虎湯投之病者面黑如墨本證不復見脈沈細小便不禁呆初不知用何藥及診之曰此立夏前誤用白虎湯之過白虎湯大寒非行經之藥止能寒腑藏不善用之則傷寒本病隱曲於經絡之間或更以大熱之藥投之以苦陰邪則他證必起非所以祛白虎也有溫藥之升陽行經者吾用之有難者曰白虎大寒非大熱何以救君之治奈何呆曰病隱於經絡間陽不升則經不行經行而本證見矣本證又何難焉果如其言而愈魏邦彥之妻目翳暴生從下而上其色綠腫痛不可忍呆云翳從下而上病從陽明來也綠非五色之正殆肺與腎合而為病邪乃瀉肺腎之邪而以入陽明之藥為之使既効矣而他日病復作者三其所從來之經與腎色各異乃曰諸脈皆屬於目脈病則目從之此必經絡不調經不調則目病未已也問之果然因如所論而治之疾遂不作馮叔獻之姪櫟年十五六病傷寒目赤而頓渴脈七八至醫欲以承氣湯下之已煮藥而呆適從外來馮告之故呆切脈大駭曰幾殺此兒內經有言在脈諸數為熱諸遲為寒今脈八九至是熱極也而會要大論云病有脈從而病反者何也脈之而從按之不鼓諸陽皆然此傳而為陰證矣令持薑附來吾當以熱因寒用法處之藥未就而病者爪甲變頓服者八兩汗尋出而愈陝帥郭巨濟病偏枯二指著足底不能伸呆以長針刺骹中深至骨而不知痛出血一二升其色如墨又且謬刺之如此者六七服藥三月病良已妻擇之妻病寒熱月事不至者數年已喘嗽矣醫者率以蛤蚧桂附之藥投之呆曰不然夫病陰為陽所搏溫劑太過故無益而反害投以寒血之藥則經行矣已而果然呆之設施多類此當時之人皆以神醫目之所著書今多傳於世云

〔古今醫統〕歷世聖賢名醫姓氏元

李杲字明之號東垣中

朱震亨字小

彥倫號丹溪浙之義烏人自幼好學日記千言業舉子講

道入華山拜許文懿公一日公謂以己疾久之非精于醫者弗能起予多敏穎其游藝于醫而濟人乎於是丹溪復致力於醫方既而悟曰執古方以療今病其勢雖全必也參之以素難活潑權衡乃能濟世遂出遊求師渡浙走吳歷南除建業皆無所遇及還武林聞太無先生往拜之數謁弗得接求見愈篤先生始接之以劉張李三家之書為之數揚其旨彥倫授教而醫益神名益著四方求瘵者輻輳于道按證施方錄為醫案可考又著格致餘論發其秘云